

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

312. Circa annexionem illam Ordinis ad beneficium quid attendatur, sive
unde ea annexio dignoscatur.

[urn:nbn:de:hbz:466:1-74477](#)

quidem habens primam tonsuram, nuncupavit se Clericum pro obtinenda pensione Ecclesiastica, non poterit redargui de mendacio, quia hi omnes largo modo sunt Clerici ex mente juris) quatenus ab eo non habentur pro merita laicis, Lott. n. 14. Sumptum vero hoc nomen in genere subalterno pro electo quidem in sortem Domini, sed ordinato, non egreditur proprias species, adeoque non capit simplices Monachos & conversos, & juxta proprietatem generis complexitur omnes proprias species qualitercumque ordinatorum five initiatorum primâ tonsurâ, five etiam minoribus five majoribus, ad Episcopatum usque Lott. num. 15. & 16.

Quæstio 310. Num ad hoc, ut eligi quis possit in superiore regularem, requiratur Clericatus?

Respondeo negativè, loquendo nimur per se. Pass. c. 25. n. 344. ex natura enim rei, & per se simpliciter ad regimen religiosum, & regulare non est necessaria in superiore potestas jurisdictionis (qua est potestas de publico, introducta dicendi jus, sententiandi, statuendique quod aequum est, ligandi, solvendi, puniendi in foro contentioso &c.) sed sufficit potestas dominativa spiritualis & paterna, qua competit superioribus regularibus ex voto obedientia supra subditos suos, ut eos secundum regulam dirigant in vitam æternam. Pass. loc. cit. patetque id ipsum, non tantum in Abbatissis, aliisque antistitibus Monialium, qua licet sufficientem potestatem gubernativam velut maternam habeant, carent tamen jurisdictione spirituali propriè tali. D. Th. in 4. dist. 25. q. 2. a. 1. ad 1. Suar. to. 4. de relig. tr. 8. l. 2. c. 1. n. 3. Sed & in Abbatibus antiquorum Monachorum, Antonio, Hilario &c. qui non erant Clerici, sumitur ex Epist. D. Hieron. ad Eliod. & 4. ad Rusticum, qua referuntur dist. 16. q. 1.

Quæstio 311. Num ad officia, beneficia, dignitates habentes annexū sacram ordinem, eligi, aut aliter promoveri possint, non habentes actu tempore electionis vel promotionis dictum ordinem?

Respondeo affirmativè: per se nimur loquendo, & ubi simpliciter solum annexus est Ordo, sive, ut ait Lott. l. 2. q. 47. n. 13, ubi annexus est Ordo per necessariam quandam consequentiam, & non qualificativè ad personam promovendam de ipso promotionis tempore veluti si simpliciter dispositum, ut beneficiū sit sacerdotale, qualia fere sunt, quibus jure communi Ordo annexitur, quia illa annexio intelligitur habitu, non actu, & ita annexa est potius obligatio suscipiendo Ordinem, sufficitque proinde electum vel promotum ad ea, intra tempus sibi à jure statutum initiari Ordine requisito, sumitur ex c. cum in cunctis. de elect. & clem. 2. t. eod. Corrad. l. 2. c. 10. n. 84. cum communi, Ac ita de Canoniciatibus, & dignitatibus statuit Trid. sess. 24. c. 12. Idem est dum ex statuto, consuetudine, vel privilegio requiritur presbyteratus simpliciter. Corrad. loc. cit. num. 85. Secus tamen est, & non sufficit sola aptitudo v. g. etas ad Ordinem necessaria, sed requiritur ipse Ordo habitus actu tempore promotionis, ubi à jure, vel ubi ex speciali statuto, consuetudine, vel etiam ordinatione fundatoris ad hoc vel illud be-

neficium requiritur Ordo actu tempore provisionis habitus: dum nimur hoc exprimatur jure, statuto vel fundatore dicente v. g. conferatur beneficium habentis talem Ordinem: vel non conferatur, nisi habentis talem Ordinem, ut Lott. n. 7. cum qualitas juncta verbo debet intervenire tempore verbi, id est in ipso actu initio. Lott. n. 11. & 12. ex Cardin. ad c. perpendimus, de sent. excommunicat. n. 7. & Gon. decif. 72. in principio l. 1. vel adjectum est aliquid, unde id colligatur v. g. dum dicitur: presenteretur sacerdos, vel promoveatur Capellanus, qui missas celebret; vel habetur in fundatione, quod nou possint missas celebrari, aut sacerdotalia officia exerceri per substitutum. Corrad. loc. cit. n. 89. Gon. ad reg. 8. Cancel. Gl. 5. n. 101.) Lott. n. 10. citans Gon. ad reg. 8. Gl. 5. n. 105. Paris. conf. 50. n. 12. l. 4. Lamb. de jurep. l. 2. p. 1. q. 2. a. 22. n. 8. & 29. & plures alios.

Quæstio 312. Circa annexionem illam Ordinis ad beneficium, sive ea sit aptitudine, sive actu, quid attendatur, sive unde ea dignoscatur?

1. **R**espondeo primò: dum ea annexio dicitur esse ex consuetudine, attendendum est, num praecesserit prohibitus cum tempore habili ad prohibendum, nisi enim ex praecesserit, consuetudo talis induci nequit. Lott. cit. q. 47. n. 27. citans Sundum conf. 127. n. 21. Unde ex eo solum, quod beneficium supponatur semper collatum sacerdoti, dici non potest sacerdotale. Lott. num. 28. citans Geminian. in c. cum de beneficio. de probando. in 6to. num. 2.

2. Respondeo secundò: dum ea annexio dicitur esse ex statuto aliove jure, aut privilegio, quod scripto constat, nihil aliud attenditur, quam ipsius tenor, & secundum illum judicatur, an & qualiter Ordo annexus. Lott. n. 29. ex Probo ad Monach. in c. 15. cui. n. 44. qui tenor si dubius est, explicatur ab observantia. Lott. n. 30. citans Paris. l. 4. conf. 20. n. 19. Gon. ubi ante n. 86. si vero est clarus, statur verbis, & non attenditur quid prius fuerit servatum, estenim regula: ubi verba sunt clara, & sensus manifestus, cessat omnis interpretatio juxta l. continens, de verb. obligat. ac proinde frustra allegatur observantia, ut Rota decif. 136. n. 10. & 12. p. 1. recent. Lott. n. 31. & seq.

3. Respondeo tertio: nihil attentiùs considerari oportere quam proprietatem vocis expressivae qualitatis Ordinis secundum verisimilem disponentis mentem. Lott. n. 51. unde licet nulla videatur facienda differentia inter has voces: sacerdos & presbyter, nisi quoad verbalem eorum derivationem, dum sacerdos à sacrificando dicitur, presbyter autem vox græca seniorem significet, ex quo SS. Canones lenium seu senioratum illum ad ipsam sacerdotalem dignitatem transtulerunt, vox hac presbyter veram & propriam Ordinis sacerdotalis significationem suscepit, dictusque est presbyteratus Ordo ad distinctionem duorum Ordinum inferiorum diaconatus & subdiaconatus tam apud Canonum conditores, quam legum profanarum latores. Lott. à n. 52.) Nihilominus si dispositio facta fuit in loco ubi quilibet, etiam Ordinum inferiorum clerici, vocari solent presbyteri (cum interpretatio verborum potius facienda sit secundum sensum vulgarem, & communem usum loquendi, ut Felin. in proam. decretalium. à n. 5.)

VOX

vox dicta presbyter non debet sumi adeò tenaciter secundum proprietatem latini sermonis, quia admittat etiam interpretationem secundum sensum vulgarem ex aliqua circumstantia, v. g. si dispositio non sermone latino, sed vulgari concepta esset, & maximè, si ageretur de fundatione facta ab homine idiota: seu vulgarem, cum verba intelligentur secundum qualitatè proferentis personæ, ut Surd. conf. 140. n. 25. & 81. juxta. l. plenum. ff. de usu & habitat. Item si beneficium sit simplex, vel hæc vox alternata cum alia generaliori v. g. cum to Capellanus. Item si concurreret observantia, quia fuissent quandoque etiam admissi Clerici inferiorum Ordinis. Lott. à num. 55. C. Luca, de benef. d. 61. n. 11. Nisi tamen probetur communis ille sensus vulgi, non potest recedi à potentiori significatu hujus vocis, etiam si concurreret observantia in contrarium; quia hæc non attenditur, ut dictum, ubi verba non sunt dubia, maximè, si agitur de beneficio fundato per laicum, contra cuius leges nequidem Papa intelligitur velle providere. Lott. n. 62.

4. Respondeo quartò: attendendum, an termino significativo certi ordinis adjectus sit alter terminus æquivocus per copulam, vel potius per disjunctionem, seu alternativam, nam in primo casu terminus æquivocus explicatur per terminum univocum: in secundo vero terminus æquivocus servat regulam alternativæ, ut sufficiat nempe alterutrum verificarci. Lott. loc. cit. num. 71. v. g. si jussum fuit præsentari sacerdotem & altaristam, cum nihil sit, quin nomen altaris conveniat etiam sacerdoti, tanquam principaliori altaris ministro, utraque vox reputabitur pro eodem, & erunt synonyma, si autem jussum fuit præsentari sacerdotem vel altaristam, servabitur dicta regula alterutrovorum, ut in simili casu, dum jussum fuit præsentari presbyterum aut Capellani, censuit Rota in Lucana Capellanis. 17. Decemb. 1593. Lott. n. 72. & 73. Cum enim diaconus, & subdiaconus dicantur ministri in altari, ut Host. Butr. in c. i. n. Clerici vel Monachi. Lott. n. 74. Quinimo propriè & in potentiore significatione subdiaconus dicatus minister altaris, non autem diaconus vel presbyter juxta. c. tribus. de consecrat. dist. 2. & Archd. & Bellam. ibi. Lott. n. 75. & quemadmodum vox illa altare, non semper sumitur pro altari materiali ad sacrificandum iunctio, sed aliquando pro ipsa Ecclesia, seu titulo beneficii, ut c. si quis il. Imo 16. q. 1. Lamb. de jurep. l. 1. p. 2. q. 11. a. 9. n. 9. & Lott. l. 1. q. 30. n. 9. ita ejus derivatum altaris in hac materia deber potius exponi pro simplici Rectore altaris, id est, beneficii, quam pro ministro domini in altari. Lott. cit. q. 47. n. 77. atque ita vox ista altaris, si per se sola fuerit posita, vel addita alteri termino per alternativam, seu sub disjunctione, non sumitur aliter, quam vox illa Capellanus, cuius significatio potest pertinere ad quemcumque Clericum beneficiatum, etiam primæ tonsuræ. Lott. n. 78. citans Boich. in c. super in ordinaria, de præbend. n. 6. Idem tradit de Luca de beneficiis. d. 61. n. 7. 8. & 9. dum dicitur: præsentetur presbyter vel Clericus: ait tamen, quod saltem dicta alternativa posita inter presbyterum & Clericum inducat prælationem presbyteri, seu sacerdotis præ Clerico. vide plura de his dicta alibi, ubi de Capellaniis, quondam hæc sint dicendæ sacerdotales.

5. Respondeo quintò: dum per statutum seu P. Leuren. Fari Benef. Tom. I.

non tamen sustineri potest provisio respectu præbendæ, si ei annexus non est Ordo, sed Canonicatus tantum, eò quod, ut dictum, esse quis possit Canonicus sine præbenda, non tamen præbendatus sine Canonicatu, cùm licet præbenda non sit annexa annexione perpetua, perpetuò tamen sit ad Canonicatum accessoria. Lott. n. 46.

7. Respondeo denique: dum annexitur certus Ordo actu aut habitu presbyteratus, aut diaconatus, aut subdiaconatus dignitatibus & præbendis omnibus alicuius Collegii, absque eo quod determinetur, quadam præbenda debeat esse presbyterales, quæ diaconales, quæ subdiaconales (uti re ipsa Trident. *eff. 24. n. 12.* constituit, ut in omnibus Cathedralibus omnes Canonicatus & præbenda habeant annexum Ordinem presbyterii, vel diaconatus vel subdiaconatus, Episcopis relieto, ut cum consensu Capituli determinent, quibus quisque Ordo imposterum annexus esse debeat.) Episcopus autem cunctetur in tali distributione facienda, licet dici & determinari nequeat, quod uni magis quam alteri præbenda, hic potius quam aliis Ordo sit annexus; dicendum tamen unicuique in genere esse annexum sacram Ordinem, adeoque qui provisus fuerit de aliqua ex his præbenda, debeat esse ad minimum subdiaconus actu, aut saltem habere atatem requisitam ad subdiaconatum, quamvis enim videri possit annexio presbyteratus vel diaconatus aliquo modo remota à singulis præbendis, annexio tamen subdiaconatus videtur omnino proxima singulis, etiam respectu istius distributionis, facienda per Episcopum, cùm esse non possit, quin ei præbenda ad minimum annexatur subdiaconatus. Lott. n. 83. citans Hoved. de benef. compat. p. 1. c. 24. n. 16. Azor p. 2. l. 6. c. 5. q. 5. Lefl. de justit. c. 34. n. 109. Garc. p. 7. c. 4. n. 28. ubi refert, sic plures declarâle S. Congregationem.

Quæstio 313. Quis dispensare possit, dum actu à fundatore requiritur sacerdotium?

R Espondeo: in hoc casu, nequidem de consensu Patroni, & nequidem pro una vice dispensare potest Episcopus argumento Trident. *eff. 25. c. 1. de reformat.* Corrad. loc. cit. n. 145. Garc. p. 7. c. 1. referens plures hac de re declarationes S. Congregat. & decisiones Rotæ. Sed neque dum ipse Papa providerit de tali beneficio, derogatur tali fundatoris voluntati, vi clausula: *non obstantibus: adjici solita;* sicut per eam derogatur tali qualitate requisita ex speciali statuto alicuius Ecclesiæ. Corrad. loc. cit. n. 96. contra Gonz. loc. cit. n. 106. ubi etiam ait in praxi Romana Curia, dataria, & Cancellaria non derogari talis fundationi per predictam clausulam, nisi fundationis talis fiat expressa mentio, etiam dum conceditur gratia ex motu proprio. Et etiamsi fundator expressè non addiderit in fundatione, non sufficere promovendum esse in ætate sufficiente ad suscipiendum sacerdotium. Sunt tamen hæc intelligenda de fundatore laico; nam per dictam clausulam: *non obstantibus, vel motu proprio:* derogari à Papa constitutioni tali facta à fundatore Clerico negari nequit. Corrad. num. 103. citans Vivian. in praxi jurispatron. l. 14. c. 3. n. 16. & 127. Quod si vero dixisset fundator: *volo, ut obtinens Capellaniam dicat septimanam tot missas (vel etiam juxta Felin. in c. cum omnes. de constitut. n. 2. volo, ut Ecclesia conferatur uns, qui quotidie in ea celebret)* non recte argueretur inde, requisivisse illum in promovendo ad talem Capellaniam, vel Ecclesiam actu sacerdotium; potest enim isti oneri satisfieri tunc adhuc per alium; cum verbum illud celebret non respiciat actum celebrationis facienda præcisè per ipsum Capellum; sed tantum denotet onus impositum isti Capella, ut obtinens illam, faciat in ea celebrari per se vel per alium; & satis censeatur proximum voluntati fundatoris, si promotus per alium divina celebrari faciat, nisi expressè caverit, ut per se ipsum id agat. Gonz. loc. cit. Gl. 5. n. 76. Lapus. alleg. 35. n. 2. Corrad. loc. cit. num. 112. & seq. Secundus iterum esset, & requiritur actu sacerdotium si dixisset fundator laicus (contrarium tamen est si id dixisset fundator Ecclesiasticus, & esset personatus, sufficeret enim tunc sacerdotium habitat) promoveatur ad Capellaniam sacerdos, qui celebret; vel eligatur persona idonea ad celebrandum. Corrad. ibid. n. 117. & seq. citans plures decisiones Rotæ. Vide de hoc fusè agentem. Garc. p. 7. c. 1.

Quæstio 314. An & quis Ordo sacerdotiū habitus requiratur, & sufficiat, ut quis eligi vel promoveri possit in Episcopum?

R Espondeo: subdiaconatus, sumitur ex c. à multis, de etate & qualitate, præf. c. c. cum enim quod jam antiquitus ex decreto Urbani I. ad hoc requirebatur & sufficiebat, ut habetur c. ult. d. 60. nimurum constitutum esse in Ordinibus sacris (adeoque tunc, cùm subdiaconatus erat needum Ordo sacer, eligi non poterat in Episcopum, nisi ad minimum diaconus) modò, postquam jam subdiaconatus per annexum ei votum castitatis annumeratus est Ordinibus sacris, invariabiliter neat, hic Ordo sufficit. Castrop. p. 2. tr. 13. d. 4. n. 2. Ugol. de potest. Ep. c. 1. §. 2. n. 1. Pall. c. 25. n. 352. Pith. ad tit. de etat. & qual. præf. n. 3. contra Barb. ad cit. *eff. 22. c. 2. n. 2. & de off. Ep. alleg. 1. n. 37.* Lavor. & Campanil. apud Pass. putantes requireni sacerdotium, eò quod Greg. XIV. in Constit. sua, onus Apofolice. dicat in plurali. *sacris Ordinibus.* Quod ipsum enim constitutum esse in Ordinibus accipitendum non esse collectivè, ita ut omnibus ordinibus iniciatus esse debeat, patet ex eo, quod par modo Urban. I. loquatur in plurali. Requiritur præterea à Trident. *eff. 22. c. 2.* ut eligendus in Episcopum, priusquam eligatur jam sex mensibus fuerit in Ordine sacro. Porro electionem non subdiaconi in Episcopum, Pass. n. 353. center esse jure irritandam, non ipso iure irritam; eò quod neque cit. c. à multis, neque decretum Trid. habeat adjunctum decretum irritans.

Quæstio 315. An & quo tempore suscipiendi sacerdotii obligatio annexatur Episcopatui?

R Espondeo: cùm electus Episcopus teneatur consecrationem recipere intra tres menses. c. quoniam. d. 70. sub pena privationis fructuum perceptorum, quin & sub pena privationis Episcopatus ipso facto incurrenda, si per alios tres menses eam neglexerit. Trid. *eff. 23. c. 2.* non possit autem Episcopus consecrari, quin antecedenter sit sacerdos. Gl. in c. unic. de Clericis per saltum prom. Suar. de cens. p. 31. f. 1. n. 53. Azor p. 2. l. 2. c. 30. q. 9. & c. contra quosdam cit. à Barb. ad cit. l. Trident. tenebitur electus fieri sacerdos intra tres mentes. Pass. n. 354. ducento hujus trimestris initium à die confirmationis. Gl. in c. c. cum in cunctis. de elect. V. tempore